



თუ ვინმემ შეჭამა ნიორი ან ხახვი, დაე, განერიდოს ჩვენ (ან ჩვენს მეჩეთებს) და დარჩეს თავის სახლში

გადმოცემულია ჯაბირ იბნ აბდულლაჰისგან (აღლაჰი იყოს კმაყოფილი მათით), რომ აღლაჰის მოციქულმა (აღლაჰის ლოცვა და მშვიდობა მას) თქვა: «თუ ვინმემ შეჭამა ნიორი ან ხახვი, დაე, განერიდოს ჩვენ (ან ჩვენს მეჩეთებს) და დარჩეს თავის სახლში.» (ჯაბირმა აგრეთვე გადმოსცა), რომ ერთხელ აღლაჰის მოციქულს (აღლაჰის ლოცვა და მშვიდობა მას) მიართვეს ბოსტნეულით სავსე კერძი (ქვაბი). როცა მან იგრძნო მათგან მომდინარე სუნი (ხახვი ან ნიორი), ჰკითხა, რა იყო მასში, და მას დაუსახელეს იქ არსებული ბოსტნეულის სახელები. შემდეგ მან ერთ-ერთ საჭაბას უთხრა: «მოიტანეთ (ეს ქვაბი)». როცა დაინახა, რა იყო მასში, მან უარი თქვა მის ჭამაზე და საჭაბას უთხრა: «შენ ჭამე, მე კი (არ ვჭამ ამას იმ მიზეზის გამო, რომ) ვანარმოებ ფარულ საუბრებს მასთან, ვისთანაც შენ ვერ საუბრობ». ასევე გადმოცემულია მუსლიმის ჰადისში ჯაბირ იბნ აბდულლაჰისგან, რომ აღლაჰის მოციქულმა (ლოცვა და მშვიდობა მას) თქვა: «დაე, ხახვის, ნივრის ან პრასის მჭამელი არავითარ შემთხვევაში არ მიუახლოვდეს ჩვენს მეჩეთს, რადგან ჭეშმარიტად, ანგელოზებს იგივე ანუხებთ, რაც ადამის შვილებს!»

[სანდო (საჰიჰ)] [შეთანხმებული]

მოციქულმა (აღლაჰის ლოცვა და მშვიდობა მას) აუკრძალა იმ ადამიანს, ვინც ნიორი ან ხახვი შეჭამა, მოსვლა მეჩეთში, რათა სუნი არ შეეწუხებინა ძმები, რომლებიც კოლექტიურ ლოცვაზე ესწრებოდნენ. ეს აკრძალვა ეხება მეჩეთში მოსვლას, მაგრამ არ ეხება ამ პროდუქტების ჭამას ზოგადად, რადგან ისინი ნებადართულია. ერთხელ მოციქულს (აღლაჰის ლოცვა და მშვიდობა მას) მიართვეს ბოსტნეულის კერძი. როცა მან იგრძნო სუნი და გაიგო, რა იყო მასში, უარი თქვა მის ჭამაზე და კერძი თავის ერთ-ერთ საჭაბას გადასცა. მანაც, მოციქულის მაგალითს მიჰყვა და არ მოისურვა ჭამა, მაგრამ მოციქულმა უთხრა: "შენ ჭამე, რადგან მე ვიღებ გამოცხადებას ანგელოზებისგან". მოციქულმა (აღლაჰმა დალოცოს და მიესალმოს მას), გვამცნო, რომ ანგელოზებს ანუხებთ უსიამოვნო სუნი, ისევე, როგორც ადამიანებს.

<https://www.sunnah.global/hadeeth/ka/show/4850>

